

怨實根於道之無也

圖難於其易一抱為大於其細執中天下難事必作於易仁者先難而後獲

天下大事必作於細積精累氣以成真是以聖人終不為大聖不自聖故能

成其大身等虛空夫輕諾必寡信易得易失多易必多難大迷之下必有大悟

是以聖人猶難之不可說破故終無難欲其難自得

又曰人倘不識無為之道則必從事於為而為於其難者遂致輕夫易為於其大者遂致忽夫細矣而不知易者難之引也細者大之階也故圖難則必於其易者先圖之為大則必於其細者先為之由易而難斯不難矣由細而大斯不大矣天下之難事大事皆未有不從易與細以致力也夫大事既

道藏輯要

道德經解

美 心集一

作於細則第求其細可矣聖人知之所以終不為大也不為大而大自在其不成者幾希矣推之易言與輕為似若兩途實同一轍彼輕諾者易言之故也而已信之真矣輕為者視事一切皆易而正惟多易其跋前疐後者難止不少是以聖人雖由細以幾於大而此心惴惴憂乎其難蓋臨事而懼之衷也究之慎終如始固無入弗得矣夫何難之有哉

守微章第六十四

其安易持安靜自得其未兆易謀臨事始謀其脆易破防危慮險其微易散道

惟為之於未有未發之中治之於未亂發皆中節

光垣帝君注曰安者無事之時暇豫之居諸也而安每即於

危者以人恃其安而放之故安不終安要之其安原我所應
獲是在於守而持之耳持之固自易也事幾已露每難圖維
當其未兆尚在寂感之交於此致力謀孔易矣譬之於物質
久而堅急難攻錯若當其脆破可立致何易如之而積重者
難返勢大者難圖當其微未至於重且大也從而敬之夫亦
易易所謂先事之圖必在幾先之哲也故爲之於未有者尙
無所有也清其源也上也治之於未亂者已有而未亂也塞
其流也次也

合抱之木生於毫末從微至著九層之臺起於累土登高自卑千里之行

始於足下行遠自邇爲者敗之道不窮執者失之道不得是以聖人無爲

道藏輯要

道德經解

七

心集一
X4813

故無敗與道合一 千古不朽無執故無失與神合無 萬世常存

又曰聖人之所以致防於未然者以小宜謹而微宜慎也蓋
小者大之基微者顯之機維彼合抱之木不始於毫末之萌
斲乎九層之臺不始於累土之逐加乎千里之行不始於足
下之步趨乎夫小必大微必顯近必遠也歷歷如是則是未
兆之先無所庸其滋擾矣而逞妄以爲之者必至於敗膠執
以自信者必至於失聖人則不若此也知道在於無而卽以
無爲安之以無執化之夫何敗與失之有故曰無爲故無敗
無執故無失

民之從事不知自然常於幾成而敗之不謹於始 鮮克有終慎終於始則無敗

事初心不昧
永無危殆

又曰彼聖人之無為無執不可望之於凡民也彼民囿於習染蔽於聰明狃於偽妄其從事也每於事幾之已成而始加圖謀究之勢已逼近雖極力挽回不克旋轉每十無以救其一此敗之所以類然而要之人情多致謹於始而於終則疎忽之若果能慎終於始先後一致亦胡至以敗事聞哉

是以聖人欲不欲欲人之不欲不貴難得之貨尊德樂道學不學學人之不學

復眾人之所過反本以輔萬物之自然與時偕行而不敢為慎獨戒懼

又曰古之聖人知其然也故眾人有欲聖人不諱言欲而不欲之欲乃其欲也夫以不欲為欲亦安貴難得之貨也乎眾

道藏輯要

道德經解

卷

心集一

人有學聖人不諱言學而不學之學乃其學也夫以不學為學尚不可以轉眾人之過而免之也乎復轉也夫其所以不欲不學者道尚自然正無事乎欲與學也萬物皆稟是自然之道而即以無欲無學者輔之而弗敢為焉此聖人之以無為立隆於天下萬世也夫

淳德章第六十五

古之善為道者非以明民在明將以愚之不使其有知

光垣帝君注曰三皇而後堯舜禹湯文武均號先覺先知惟先覺則以所覺者覺人惟先知則以所知者知人總欲使民歸於明而已矣究之於道無涉也道在於無為也故古之善